

dinatos ipsemet Chrysostomus abdicauit. Idem de Cæsariensi Exarcho facile probauerim, cum ab eodem Patriarcha ordinaretur, vt apud Socratem^a legere est, qui de Thalassij Cæsariensis ordinatione hæc ait: [Firmo Episcopo Cæsareæ Cappadociæ mortuo, Cæsarienses Constantinopolim aduentant Episcopum quæsituri. Ac cum Proclus lustraret animo quem ad eum Episcopatum designaret, forte fortuna die sabbatorum, dum aliquem dispicere conabatur, omnes Senatores, qui illum inspectarent, ad Ecclesiam accedunt, in quorum numero fuit Thalassius, qui gentium & ciuitatum Illyrici Præfecturam gessit, cui partium versus Orientem administrandarum curam, vtifama est, Imperatoris iussu suscepturo Proclus manus imponit, & pro Præfecto, Episcopum Cæsareæ declarat.] Non pauca alia istius Patriarchæ per Pontû & Thraciam argumeta nullo negotio, si necesse esset, proferrem. Sed ad Metropole n trium istarum Dioceseon notitiam transeamus.

^a Socrat. hist. Eccl. lib. 7. cap. 4.

Θαλασσιος ἀνὴρ, πρὶν ὑπαρχειν ἐπισκοπῆς ἀπ' αὐτοῦ τῶν ἐν Ἰλλυρικοῖς ἐδύναντο πρὸς αὐτὸν μέλλοντι ὁ αὐτὸς, ὡς φησὶ μὲν ἐκείναι, πρὶν τῶν ἐρωσμένων ἐλθεῖν ἐπὶ τῆς βασιλείας φροντίδα, ἐπὶ τῶν χειρῶν ὁ παρ' αὐτοῦ ἐπὶ τῶν ἐπισκοπῶν ἡ μεταστροφή.

XIII.
HERACLEA METROPOLIS THRACIÆ ET SEDES PRIMATIS.

^b Theodor. lib. 1. cap. 18.
^c Procop. lib. 4. de ædific. Iustiniani.

^d Claud. l. 2. in Rufinum.

Thracia, cum prima & antiquior diocesis Patriarchæ Constantinopolitani fuerit, ab Heraclea illius Metropoli ducam initium: de qua hæc effert Notitia antiqua Græca: [Thracia prouincia habet ciuitates claras Constantinopolim & Heracleam. Heracleæ quidem eximium opus est, puta Theatrum, & regale Palatium.] Ea prius Perinthus dicebatur, vt apud Theodoretum^b legimus, idque ad differentiam aliarum eiusdem nominis urbium. [Ad mare sita est, inquit Procopius^c, vicina Byzantio Perinthus, quæ olim quidem Europæ Metropolis habebatur, nunc post Constantinopolim secundum locum obtinet.] Ab Hercule nomen habet, vt docet Claudianus,^d

*Deseritur Rhodope, Thracumque per ardua tendunt,
Donec ad Herculei peruentum nominis urbem.*

Huius autem ciuitatis Episcopum primis temporibus, hoc est, ante Constantinum, id iuris habuisse, vt Byzantinum Episcopum ordinaret, euidenter apud Codinum^e dignoscitur, cum de electione Patriarchæ scribens ait: [Ordinatur verò Patriarcha ab Episcopo Heracleæ, quia Byzantium olim ad Episcopum Heracleæ spectabat.] Sed & ex Zonara^f discimus quod imperante Constantino Leonis filio, cum Heracleensis Episcopus ab Imperatoris gratia excidisset, Patriarcha Polyeuctus à Cæsariensi Episcopo ordinatus est. Eligebatur quidem Patriarcha viciniorum Metropolitaram Episcoporumque suffragijs, ipsis præsidente Metropolita Heracleensi, vt in Relatione Synodi Constantinopolitanæ^g de ordinatione Epiphaniij Patriarchæ ad Hormisdam Papam legitur, cui vnus ex ijs hanc syngraphā apposuit: [Theophilus misericordia Dei Episcopus Heracliensis ciuitatis Metropolitanus, subscribens in synodalibus saluto vos in Domino, Domine.] Nec id moris tantum sub Hormisda inualuit, cum iam sub Constantini liberis in vsu fuisse narret Sozomenus^h: [Interea, inquit, moritur Alexander, inque Episcopatum Constantinopolitanum Paulus post eum succedit: quem Episcopatum, vt Ariani & Macedoniani memorant, contra sententiam Eusebij Episcopi Nicomediæ, & Theodori Heracleæ urbis Thraciæ Episcopi (penes quos vt Episcopos finitimos electio Episcopi Constantinopolitani erat) ipse sibi per ambitum acquisierat.] Cæterum haud omittendum est ex actibus Concilij Ephesini circa Episcopatus Thraciæ huic sedi subditos, veterem morem tunc inualuisse in prouincijs Europæ, quod singuli Episcopi duos vel tres sub se haberent Episcopatus. Sic Heracleæ Episcopum sub se habuisse

^e Codinus lib. 1. c. 50.

^f Zonar. ann. re. 1. καὶ λόγῳ διὰ τὴν πρὸς αὐτὸν ἀρετὴν, ὅς περὶ τῶν κατωτέρων ἐκείνην ἐτόνυτο.

^g Relatio Synod. CP. ad Hormisd.

^h Sozom. hist. Eccl. lib. 3. cap. 1.

Παρεχόμενον ἐν ἐκείνῃ τῇ νικομηδείᾳ ἐπισκοπῶν, καὶ διαδοχῶν τῶν ἐν Ἀρμένιᾳ ἡγεμενῶν, οἷς ἐκείνη ἵσταται ἡ χειρὸς τοῦ διέφερον.

Heracleam